



SVEITARSTJÓRN GRÍMSNES- OG GRAFNINGSHREPPS

Fundargerð.

422. fundur sveitarstjórnar Grímsnes- og Grafningshrepps var haldinn í stjórnsýsluhúsinu Borg, miðvikudaginn 6. desember 2017 kl. 9.00 f.h.

Fundinn sátu:

Gunnar Þorgeirsson

Ingibjörg Harðardóttir

Hörður Óli Guðmundsson

Sigrún Jóna Jónsdóttir

Guðmundur Ármann Pétursson

Fundargerðin var færð í tölvu og hana ritaði Ingibjörg Harðardóttir.

1. Fundargerð sveitarstjórnar Grímsnes- og Grafningshrepps frá 22. nóvember 2017.

Fundargerð sveitarstjórnar Grímsnes- og Grafningshrepps frá 22. nóvember 2017 liggur frammi á fundinum.

2. Fundargerðir.

a) Fundargerð 145. fundar Skipulagsnefndar Uppsveita, 23. nóvember 2017.

Mál nr. 10, 11, 12 og 17 þarfnast staðfestingar sveitarstjórnar.

Lögð fram 145. fundargerð Skipulagsnefndar Uppsveita, dags. 23. nóvember 2017. Eftirfarandi dagskrárliðir þarfnast afgreiðslu sveitarstjórnar;

Mál nr. 10: 1711046 - Klausturhólar lnr. 168258: Klausturhólar Gamli bæ: Stofnun lóðar.

Fyrir liggur umsókn Þórleifar Hoffmann Gunnarsdóttur og Guðmundar Jóhannessonar, dags. 18. nóvember 2017 um stofnun 2.800 m² lóðar undir gamalt íbúðarhús á jörðinni Klausturhólar lnr. 168258. Er óskað eftir að lóðin fái heitið Godhóll og liggur rökstuðningur fyrir í meðfylgjandi tölvupósti, dags. 21. nóvember 2017. Sveitarstjórn gerir ekki athugasemdir við stofnun lóðarinnar né fyrirhugað heiti hennar. Ekki eru gerðar athugasemdir við landsskipti skv. 13. gr. jarðalaga.

Mál nr. 11: 1501013 - Ásabraut 1-40 og Lokastígur 1-10: Ásgarður: Deiliskipulagsbreyting.

Lögð fram að nýju tillaga að breytingu á deiliskipulagi sem nær til lóða nr. 1-40 við Ásabraut og Lokastíg 1-10 úr landi Ásgarðs. Tillaga var grenndarkynnt með bréfi, dags. 4. október og gefinn frestur til 1. nóvember til að koma með athugasemd. Á fundi skipulagsnefndar 14. september var mælt með að tillagan yrði samþykkt með fyrirvara um staðfestingu á samkomulagi við lóðarhafa sem gert höfðu athugasemdir á kynningartíma. Það samkomulag liggur ekki fyrir og nú er liðið meira en ár síðan athugasemdafrestur rann út og þarf því að kynna tillöguna að nýju ef vilji er til að halda áfram með málið. Sveitarstjórn felur skipulagsfulltrúa að grenndarkynna deiliskipulagsbreytinguna að nýju fyrir öllum lóðarhöfum á svæðinu auk jarðarinnar Ásgarðs.

Mál nr. 12: 1709036 - Leyndarholt lnr. 224673: Nýbyggingar: Deiliskipulag.

Fyrir liggur tillaga að deiliskipulagi fyrir landið Leyndarholt úr landi Brjánsstaða. Lýsing deiliskipulagsins var kynnt skv. 3. mgr. 40. gr. skipulagslaga og liggja fyrir umsagnir



SVEITARSTJÓRN GRÍMSNES- OG GRAFNINGSHREPPS

Minjastofnunar, Heilbrigðiseftirlits Suðurlands, Skipulagsstofnunar og Vegagerðarinnar. Samkvæmt tillögunni er gert ráð fyrir byggingu íbúðarhúss, skemmu og hesthúss. Sveitarstjórn gerir ekki athugasemdir við að tillagan verði kynnt skv. 4. mgr. 40. gr. skipulagslaga nr. 123/2010.

Mál nr. 17: 1711003F - Afgreiðslur byggingarfulltrúa - 17-67.

Lagðar fram til kynningar afgreiðslur byggingarfulltrúa frá 15. nóvember 2017.

b) Fundargerð oddvita vegna reksturs Seyrustaða á Flúðum, 23. nóvember 2017.

Sveitarstjórn samþykkir samhljóða að taka þátt í verkefninu og er oddvita / sveitarstjóra falið að skrifa undir samstarfssamning sveitarfélaganna.

3. Kauptilboð í Minni-Borg.

Fyrir liggur kauptilboð Grímsnes- og Grafningshrepps í jörðina Minni-Borg, Minni-Borg sláturhús og Móaföt 2-11 ásamt öllu því sem að eignunum fylgir og fylgja ber, að engu undanskyldu. Kauptilboð sveitafélagsins hljóðar upp á 115 millj. Sveitarstjórn samþykkir samhljóða fyrirbyggjandi tilboð.

4. Staða fjárhagsáætlunar 2017.

Farið var yfir stöðu bókhalds og borið saman við fjárhagsáætlun ársins 2017 eftir fyrstu 11 mánuði ársins.

5. Viðauki við áætlun 2017.

Fyrir liggur útfærsla á viðauka við fjárhagsáætlun ársins 2017.

Rekstrarniðurstaða A-hluta tekjur umfram gjöld	73.549
Rekstrarniðurstaða samstæðu A og B-hluta tekjur umfram gjöld	81.736
Handbært fé frá rekstri A-hluti	123.482
Handbært fé frá rekstri samstæðu	142.584

Sveitarstjórn samþykkir samhljóða fyrirbyggjandi viðauka.

6. Fjárhagsáætlun 2018-2021, seinni umræða.

Fyrirbyggjandi tillaga að fjárhagsáætlun fyrir árið 2018 er tekin til lokaafgreiðslu. Niðurstöður áætlunarinnar eru eftirfarandi í þúsundum króna:

Rekstrarniðurstaða A-hluta tekjur umfram gjöld	81.669
Rekstrarniðurstaða samstæðu A og B-hluta tekjur umfram gjöld	68.279
Handbært fé frá rekstri A-hluti	104.248
Handbært fé frá rekstri samstæðu	125.597



SVEITARSTJÓRN GRÍMSNES- OG GRAFNINGSHREPPS

Fjárfesting í varanlegum rekstrarfjármunum er áætluð samtals 57,6 millj. kr. Helstu liðir í fjárfestingu eru í eignasjóði, vatnsveitu og fráveitu. Ekki er gert er ráð fyrir lántöku vegna fjárfestinga en gert ráð fyrir sölu eigna úr eignasjóði fyrir samtals 60 millj. kr.

Einnig liggur fyrir 3ja ára fjárhagsáætlun og eru helstu lykiltölur samstæðureikningsins í þúsundum króna:

	2019	2020	2021
Tekjur	1.053.204	1.058.458	1.064.238
Gjöld	962.262	959.698	961.883
Fjármagnsgjöld	42.758	36.759	31.020
Rekstrarafgangur	48.184	62.001	71.335
Eignir	1.681.259	1.713.836	1.752.543
Skuldir	921.980	892.557	859.929
Eigið fé	759.279	821.279	892.614
Fjárfestingar (nettó)	73.000	60.000	50.000

Sveitarstjórn samþykkir samhljóða fyrirliggjandi fjárhagsáætlun fyrir rekstrarárið 2018 og framlagða 3ja ára áætlun Grímsnes- og Grafningshrepps fyrir árin 2019-2021.

7. Tómstundastyrkir.

Sveitarstjórn samþykkir samhljóða að tómstundarstyrkur verði hækkaður úr 30.000 kr. á ári í 40.000 kr. á ári og að auki úthlutunarreglur rýmkaðar.

8. Nemendastyrkir.

Ræddar voru reglur um nemendastyrki og er sveitarstjóra falið að leggja fram drög að reglum á næsta fundi.

9. Beiðni um styrk frá foreldrafélagi Kerhólsskóla vegna jólaballs.

Fyrir liggur beiðni frá foreldrafélagi Kerhólsskóla um styrk að fjárhæð kr. 50.000 vegna leikrits og jólaballs dagana 19. og 20. desember n.k. Sveitarstjórn samþykkir að veita umbeðinn styrk.

10. Beiðni um styrk við Snorraverkefnið sumarið 2018.

Fyrir liggur beiðni frá Snorrasjóð um styrk til Snorraverkefnisins sumarið 2018 þar sem markmið verkefnisins er að veita ungu fólki af íslenskum ættum í Norður – Ameríku tækifæri til að kynnast rötum sínum á Íslandi í 6 vikna sumarverkefni. Sveitarstjórn hafnar erindinu

11. Minnisblað frá Lex Lögmannsstofu vegna persónuverndarúttektar fyrir sveitarfélög á Suðurlandi.

Fyrir liggur minnisblað frá Lex Lögmannsstofu vegna persónuverndarúttektar fyrir sveitafélög á Suðurlandi. Minnisblaðið lagt fram til kynningar.



SVEITARSTJÓRN GRÍMSNES- OG GRAFNINGSHREPPS

12. Bréf frá Yfirfasteignamatnefnd þar sem óskað er eftir umsögn sveitarfélagsins vegna kæru til nefndarinnar í máli nr. 11/2017, Illagil 21.

Fyrir liggur bréf frá Yfirfasteignamatnefnd, dagsett 23. nóvember 2017 þar sem óskað er eftir umsögn sveitarfélagsins vegna kæru eigenda Illagils 21 á álagningu fasteignaskatts. Sveitarstjórn felur lögmanni sveitarfélagsins, Óskari Sigurðssyni hrl. að gæta hagsmuna sveitarfélagsins.

13. Tölvupóstur frá Sigurði Ó. Jónssyni, skipulags- og byggingarfulltrúa Sveitarfélagsins Ölfuss vegna breytinga á deiliskipulagi virkjunar á Hellisheiði.

Fyrir liggur tölvupóstur frá Sigurði Ó. Jónssyni, skipulags- og byggingarfulltrúa Sveitarfélagsins Ölfuss, dags. 24. nóvember 2017 vegna tillögu að breytingu á deiliskipulagi virkjunar á Hellisheiði. Sveitarstjórn gerir ekki athugasemdir við tillöguna.

14. Tölvupóstur frá Hrafnkeli Á. Proppé, svæðisskipulagsstjóra höfuðborgarsvæðisins þar sem óskað er eftir umsögn sveitarfélagsins vegna breytingar á svæðisskipulaginu „Höfuðborgarsvæðið 2040“.

Fyrir liggur bréf frá Hrafnkeli Á. Proppé, svæðisskipulagsstjóra, dagsett 30. nóvember 2017 þar sem óskað er eftir umsögn sveitarfélagsins á svæðisskipulaginu „Höfuðborgarsvæðið 2040“. Sveitarstjórn gerir ekki athugasemdir við tillöguna.

15. Gjaldskrá Félagsheimilisins Borgar.

Lögð fram endurskoðuð gjaldskrá Félagsheimilisins Borgar þar sem einstakir liðir hennar hafa verið leiðréttir.

Veislur:

Fermingar – afmæli, dagveislur	70.000 kr.
Brúðkaup – afmæli, kvöldveislur	90.000 kr.
Ættarmót, öll helgin	145.000 kr.
Ættarmót, sólarhringur	70.000 kr.

Fundir:

Kaffistofa	25.000 kr.
Stóri salur	40.000 kr.
Allt húsið	55.000 kr.
Ráðstefnur, námskeið o.p.h.	55.000 kr.

Annað:

Leiga fyrir innansveitarfólk	23.000 kr.
------------------------------	------------

Leiga á húsi pr.klst 5.000 kr. lágmarkstímar eru 5 klst.

Dansleikir samningsatriði

Dúkaleiga, pr. dúk 1.240 kr.



SVEITARSTJÓRN GRÍMSNES- OG GRAFNINGSHREPPS

Staðfestingargjald, óafturkræft er 30% af gjaldskrá.

Allar fjárhæðir eru með virðisaukaskatti.

Breytingar þessar taka gildi frá og með 1. janúar 2018.

Sveitarstjórn samþykkir samhljóða fyrirbyggjandi gjaldskrá.

Til kynningar

- ✓ Heilbrigðiseftirlit Suðurlands. Fundargerð aðalfundar 19.10 2017.
- ✓ SASS. Fundargerð 526. stjórnarfundar 10.11 2017.
- ✓ Samband íslenskra sveitarfélaga. Fundargerð 854. stjórnarfundar, 24.11 2017.
- ✓ Tölvupóstur frá Sambandi íslenskra sveitarfélaga, dags. 04.12 2017 vegna bókunar stjórnar sambandsins til Umhverfis- og auðlindaráðherra um vernd og endurheimt votlendis.
- ✓ Bréf frá Sambandi íslenskra sveitarfélaga, dags. 30.11 2017 vegna bókunar stjórnar sambandsins um þá umræðu sem hefur verið í samfélaginu í kjölfar átaksins „Í skugga valdsins“. Stefna sambandsins fylgir bréfinu.
- ✓ Bréf frá Sambandi íslenskra sveitarfélaga, dags. 30.11 2017 vegna bókunar stjórnar sambandsins um forsendur fyrir stofnun þjóðgarðs á miðhálandi Íslands ásamt skýrslu nefndarinnar.

Ekki fleira tekið fyrir og fundi slitið kl. 11:15